

ռանկը և ոչ տվին մի դրամ և ոչ արարին, այլ խաբանեցաւ այն:

Ապրիլի է կիրակի Ծաղկազարդի ի Սուրբ Յարութիւն էաք: Եւ այգուցն (8 Ապրիլ) զնացաք ի Սուրբ Յորդանան գետ և Գշի (9 Ապրիլ) առաւօտուն իջեալ ի ջուր՝ ուխտեցաք ի տեղին: Ընդ մեր գայր փաշան Երուսաղէմի փողով և թմբկով, և առաջի մեր երթալին հրամանաւ փաշայի բազում արապք ի սահմանացն, առ ի զգուշութիւն գողոց՝ ամենայն զինուք իւրեանց: Եւ Իշի (10 Ապրիլ) Ըրդ ժամու եկաք ի վանս մեր: Եշի (11 Ապրիլ) մտաք ի Սուրբ Յարութիւն եւ Շաբաթի երեկոյի (13 Ապրիլ) կրկին մտաք նստելով յիւրաքանչիւր նախասահմանեալ տեղիսն. և աչք ամենեցուն ի կենսատու Գերեզմանն Քրիստոսի էր, ոմանց աչք յարտասուս, և ոմանք՝ ի հառաչանս, ոմանք բախէին զկուրծս և այլք լալին զմեղս և խընդրէին զթողութիւն մեղաց իւրեանց: Եւ Հոռոմք արաբացիք պար առեալ շուրջ զԳերեզմանաւն, մի ի վերայ միոյ հեծեալք՝ երգէին, գովասանէին զգովեալն և բարեբանեալն ի դասուց հրեղինաց: Եւ նախ եպիսկոպոսն Յունաց եւ ամենայն ուխտիւքն ի թափօր ի շրջապատ զուպպային Գերեզմանի, և գոռայր Գերեզմանն և յանկարծապէս ճառագայթեաց ի պատուհանիցն և եպիսկոպոսն հոռոմի և Սաշատուր վարդապետն մտեալ առին զլոյսն և ամենեքեան լուսաւորեալ. և ապա ուխտիւք ամենայն եկեղեցոյն՝ հայրապետք, եպիսկոպոսք, քահանայք, սարկաւազունք և կղերիկոսք՝ ժողովրդովք, վառեալ լապտերովք և զամբարուք որ ի լուսոյն, ելաք ի թափօր՝ շրջապատեալ զՍուրբ Գերեզմանն Քրիստոսի, և այնու զգեստովք և սպասիւք ելաք ի Վերնատունն և սուրբ պատարագ մատուցաւ և լուծաք զպահս:

Եւ առաւօտուն (14 Ապրիլ) նոյնպէս կատարեալ